

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIIII

Quomodo mori, quomodoue in nouitate vitae oporteat nos ambulare.
Sermo III.

[urn:nbn:de:hbz:466:1-47113](https://nbn-resolving.de/urn:nbn:de:hbz:466:1-47113)

detur. Vnde fit vt illius culpa facile vno gemitu eluatur, vt potè quam ante & post conflictum temptationis auersatus, neque ex affectu, neque dedita opera, sed infirmitate vietus admisit: hic verò cùm nunquam ex animo verè detestetur hæc leuiora peccata (tametsi perfunctoriam frigidamque de illis forsan faciat confessionem) neque delet admissa, neque cauet admittenda. Quapropter charissimi fratres non prætergrediamur quæso peccata nostra cæcutiētibus oculis tanquam leua. Si quidem nullum leue est peccatum, nisi quod leue non æstimatur, nullum remissibile, nisi quod emendatur, aut emendandum proponitur. Itaque vt peccata nostra corrigamus, vitia, quæ sunt peccatorum radices, mortificemus, repugnando, vim nobis inferendo, auxilium diuinum implorando, post lapsum semper propositum pristinum renouando, nulla temptationis importunitate pugnam deferendo, nulla difficultate desperando, nec in nobis, sed in adiutorio & protectione altissimi habitando, ex vulneribus Christi Iesu tutelam atque pugnandi virtutem quærendo: & sic tandem cum Christo in nouitate vitæ resurgemus, sapientes quæ sursum sunt, non quæ super terram. Eduebus namque unum certissimum nobis sperandum est, ut fideliter certantibus, aut in hac vita, aut circa egessum animæ plena detur de vitijs victoria, per Dominum nostrum Iesum Christum, qui cum Patre & Spiritu sancto viuit & regnat Deus in secula benedictus, Amen.

IN EADEM SOLENNITATE.

Quomodo mori, quomodo uenire in nouitate vita oportet nos ambulare?

Sermo III.

Sicut Christus resurrexit à mortuis per gloriam Patris, ita & nos in nouitate vita ambulemus, ad Romanos VI. Charissimi non hodie tantum, sed omni tempore sumus nos admonendi, vt in nouitate vite ambulemus. Si quidem seculo abrenunciantes, quid aliud fecimus, quam quod veterem nostram vitam vitijs subiectam habuimus exosam, quod ipsi nobis displicuimus, quod à nobis, hoc est, à malis moribus, à peccatis, à vitijs maluimus recedere, & ad Christum conuersi, eundem sequi ac imitari. Hoc itaque propositum nobis fuit, quando monasterium sumus ingressi, si tamen verum atq; sanctum hoc nobis propositum fuit, hoc est, si Dei amor huc nos traxit, vt vita vitorum, vita corruptionis (quæ mors potius est dicenda quam vita) reliqua spretaq; deinceps in nouitate vita ambulemus. Non tamen huic iam proposito satisfactum est fratres, propterea quod in monasterio viuimus ecclio inuestiti: sed tota potius vita nostra omnique tempus huic studio impendendum est, quo veteribus vitijs atque defectibus correctis, semper & ad anteriores, hoc est, perfectiora anhelemus, semperq; nobisipsis inueniamur meliores. Proinde quotidie omniq; hora renouamini spiritu mentis vestra, noua Tempor in resemper deuotione, nouo feroce priora, id est, imperfectiora relinquentes, ad ligioso quæ perfectiora vos extendite. Heu fratres charissimi, non inueniatur in nobis sit damnatio rapiditas illa, sanctitatis omnis aduersaria, pietatis destrutrix, quæ in nonnullis monachis reperitur, quod à solo peccati mortali volunt continere:

Ddd. 2

Ideo

Ephes. 4.

Ideo semper disputant, vtrum sit mortale: quod si non esse diciderint, non im-
 ment Deum suum offendere, gratiam eius spernere, spiritu debiliores, carne
 validiores, peccandoq; frigidiores fieri. Non timent, inquam in anima sua
 peccatorum (licet ut dicunt venialium) fortes colligere, Deo displicere, in-
 grati inueniri, atque mortalium sepe peccatorum periculis exponere. Fundi-
 mentum est maximè ruinosum, super quo nunquam aliquid boni potest
 dicari, à solo peccato mortali velle abstinere, venialia non curare. Heu qui
 sàpè in tali homine, qui adè est frigidus ut venialia non horreat, hoc id
 qui Deum non pluris facit: quam sàpè, inquam in huiusmodi homine pe-
 cata mortalia, præsertim mentalia, pro venialibus admittuntur. Neq; n. tamen
 frigida charitate gaudens dñs potest se cont inere, quin ad mortalia labet,
 qui venialia non vult cauere. Credite mihi, credite fratres, ubi monachus
 huiusmodi inuenitur, qui vltro, scienter, aut dedita opera conuerit se in
 venialia peccata, aut qui non pari cauet studio venialia, quo mortalitas
 est, de hoc nulla est spes, quod seculari Christiano fiat melior. Nimirus enim
 Deo ingratus & eius gratia se facit indignum. Cæterum, bonus mon-
 achus, & Deo deuotus omnis Christianus, propositum habet, quodcumq; dil-
 etum, & quicquid Deo suo dilecto nouerit displicere, cauendi. Et licet sapientia
 nihilo minus delinquit etiam sub hoc proposito, puta ignorantia, subreptio-
 ne, fragilitate: nunquam tamen ex certa scientia atque ex proposito elegi
 peccatum. Et idè quia nunquam inuenitur in affectu peccandi, eius peccata
 facilimè emendantur, purgantur, atque à Deo dimittuntur. Is vero, qui pro-
 pterea quod veniale audit peccatum vitare contemnit, sicut ex proposito pe-
 cat, quia non decreuit emendare, idè nec in confessione eius, quamlibet re-
 nialia, dimittuntur. Nihil enim in confessione lauatur, nisi quod plangitur
 confessum, & quod institutus deinceps non admittendum. Quo circadi-
 riissimi fratres, habentes Deum præ oculis, in timore eius teneamus nos pa-
 seueranter nullius delicti propositum habentes, in omnibus autem & sepe
 omnia feruentissimi atque studiosissimi amatores executoresq; diuinis bene-
 placiti in nouitate vita ambulemus, superata omni vetustate peccati. Hoc
 licet subito non veniat, illuc tamen tendere debet semper tanquam ad scopum
 conatus noster. Nam sicut Christus ante passus est & mortuus, quam resurrexit,
 ita nos ante vitijs debemus mori vitam nostram veterem, hoc est, desideria nostra,
 quæ non sunt secundum Deum, in nobis abnegando atque mor-
 tificando) quam ambulemus in nouitate vita. Et licet laboriosum arduum
 graue interdum sit incipientibus, omnia sua desideria frangere atque relin-
 quere propter Deum, amanti tamen Deum suave est onus, ob gratiam dilec-
 ti carere omnibus, quæcunque ille auersatur. Itaque charissimi (nouitij lo-
 quor) eruditorem beati patris Pinusij, qua nouitium ipse suum instituebat,
 nunc vobis adfero: quam etiam vobis dictam assumatis. Hic namque de al-
 negatione seu abrenunciatione, novo tyroni monasticae militia loquens:
 renunciatio, inquit, nihil est aliud quam crucis ac mortificationis indicium.
 Ideoq; noueris te fili, huic mundo & actibus eius ac desiderijs esse defunctum,
 tecum secundum Apostolum, mundo huic esse crucifixum, tibiq; hunc mundum.
 Considera ergo conditiones crucis, sub cuius deinceps sacramento oportet te
 in hac luce versari, quia iam tu non viuis, sed ille viuit in te, qui crucifixus
 est pro

Pinusij in-
stitutio ad
nouitium.

Galat. 6.

IN FESTO PASCHÆ.

367

est pro te. Et post pauca iterum: Crux nostra timor Domini est. Sicut ergo crucifixus quis iam non pro animi sui motu membra sua quæque motiendi vel conuertendi habet potestatem, ita & nos voluntates nostras ac desideria, non secundum id, quod nobis suave est, ac delectat ad præsens, sed secundum legem Domini, quo nos illa constrainxit, applicare debemus. Et sicut is, qui patibulo cruciis affigitur, non iam præsentia contemplatur, nec de suis affectionibus cogitat, non pro die castigo sollicitudine curat, distenditur, nulla possidendi concupiscentia permouetur, nulla superbia, nulla contentionis, nulla æmulatione succeditur, non de præsentibus dolet iniurijs, non præteritarum iam recordatur, sed, cum adhuc spirat in corpore, cunctis elementis credit esse defunctum, illuc præmittens sui cordis intuitum, quo se non dubitat illico transiit: ita nos quoque timore Domini crucifixos oportet his omnibus, id est, non solum carnalibus vitijs, verum etiam ipsis elementis mortuos esse, illuc habentes oculos animæ nostræ defixos, quo nos sperare debemus momentis singulis migraturos.

Atque post pauca rursus: Secundum scripturæ sententiam egressus ad seruendum Domino, sta in timore Dei, & prepara animam tuam non ad requiem, non ad securitatem, non ad delicias, sed ad tentationes & angustias. Per multas enim tribulationes oportet nos introire in regnum Dei. Angusta nanque est porta & ardua via, que ducit ad vitam, & pauci sunt qui inueniunt eam. Considera ergo te de paucis & electis effectum, & ne exemplo ac tempore multitudinis refrigescas viue ut pauci, ut cum paucis inueniri merearis in regno Dei. Itaque non leue noueris esse peccatum, perfectionem professum quæpiam, ea quæ sunt imperfecta, sectari. Ne deficit autem regula institutionis, qua ad nouitatem vitæ perueniatis, qua ambuletis quod idem Piusius hortatur, adiungam. Sequitur enim. Principium igitur nostræ salutis eiusdemque custodia (sicut dixi) timor Domini est. Per hunc enim & initium conuerionis, & vitiorum purgatio, & virtutum custodia, his, qui imbuuntur ad viam perfectionis, acquiritur, qui videlicet Dei timor, quum penetraverit hominis mentem, contemptum ei rerum omnium parit obliuionem parentum mundique ipsius dignit: horrorem. Contemptu autem ac priuatione facultatum omnium, humilitas acquiritur. Humilitas vero his indicijs cōprobatur. Primo, si mortificatas in se omnes habeat voluntates. Secundo, si non solum actuum suorum, verum etiam cogitationum, nihil suum celauerit seniorem sive magistrum. Tertio, si nihil sua discretioni, sed iudicio eius vniuersa committat, ac monita eius sitiens libenter auscultet. Quarto, si in omnibus seruet obedientiam, mansuetudinem, & patientiam constantiam. Quinto, si non solù injuriam inferat nulli sed ne ab alio quidem fibimet irrogatâ dolerat atq; tristetur. Sexto, si nihil agat, nihil præsumat, & nō vel cōmunitis regula, vel maiorum cohortantur exempla. Septimo, si omni vilitate contentus sit, & ad omnia se, quæ fibi præcipiuntur, vel ut operarium malum iudicauerit & indignum. Octavo, si semetipsum cunctis inferiorem, non superficie pronunciet labiorum, sed intimo cordis credat affectu. Nono, si linguam cohibeat & non sit clamosus in voce. Decimo, si non sit facilis ac promptus in risu. Talibus nanque & similibus indicijs humilitas vera dinoſcitur. Quæ quum fuerit in veritate possessa, confessum te ad charitatem, quæ timorem non habet,

Gala.1.
Crux spiri-
tualis quæ
fit.

Eccle.2.
Acto.14.
Matt.7.
Luc.13.

Eccle.1.
Timor Dei
quid efficiat
in homine.

Humilitas
quibus indi-
cis cōpro-
beatur.

Ioan.4.
Charitas
vnde oria-

Ddd 3

bet,

bet, gradu excellentiore perducet, cum vniuersa, quæ prius non sine pena
formidine obseruabas, absque ullo labore, velut naturaliter incipies col-
dire, iam non contemplatione supplicij vel timoris ullius, sed amore ipsius
boni, & delectatione virtutum. Quæ omnia ut possis consequi, & sub regula
spirituali perpetuo perdurare, tria hæc in congregacione necessario tibi co-
stodienda sunt, vt secundum Psalmista sententiam: Ego autem tangens
surdus non audiebam, & sicut mutus non aperiens os tuum: & factus sum surdus
non audiens, & non habens in ore suo redargutiones: tu quoque velut surdus &
mutus & cæcus incedas, vt absque illius contemplatione, qui tibi fuerit im-
rito perfectionis ad imitandum electus, vniuersa quæcumque videris minus
ædificationis habetia, velut cæcus non videoas, ne eorum, qui hæc agentia
potestate, vel forma animatus ad id, quod deterius est, & quod olim danni-
ueras, traducaris. Si in obedientem, si contumacem, si detrahentem audieris
vel seculis, quam tibi traditum est, aliquid admittentem, non offendaris, na-
ad imitandum cum tali subuertaris exemplo: sed vt surdus, qui hæc penitus
non audieris, vniuersa transmittas. Si tibi vel cuiquam conuicta, si irroga-
tur iniuria, esto immobilis, & ad responsionem talionis, vt mutus auscul-
temper hunc Psalmista versiculum in ore tuo decantans: *Dixi, custodiam mea,*
vt non delinquam in lingua mea.

Psal. 38.

1. Cor. 4.

Mundo
mortuus
quis sit.Oratio.
Iou. 14.

Verum & quartum hoc præ omnibus excole, quod, quæ supra diximus,
tria ornet atque commendet, hoc est, stultum te, secundum Apostoli senten-
tiam, facias in hoc mundo, vt sis sapiens, nihil scilicet discernens, nihil di-
iudicans ex his, quæ fuerit tibi imperata, sed cum omni simplicitate ac fide
obedientiam semper exhibeas: illud tantummodo sanctum illud vile, illud
sapiens esse iudicans, quicquid sibi vel lex Dei, vel præceptoris examen in-
dixerit. Tali enim institutione fundatus, sub hac disciplina poteris dure
perpetuo, & de coenobio nullis temptationibus inimici, nullis factiōibus de-
uolueris. Porrò patientiam tuam non debes de aliorum sperare virtutem, id
est, vt tunc eam tantummodo posseideas, cum à nemine fueris irritatus, quod
ne posset non euenire non tua subiacer potestati, sed potius de humilitate
tua & longanimitate, quæ in tuo pender arbitrio. Liquer inde charissimi, vo-
lentibus in nouitate vitæ ambulare, volentibus cum Christo in nouitate vi-
tae resurgere, necessum fore, vt ante moriantur & sibi & mundo. Quis est,
inquis, mortuus mundo? Ille vtique, qui nihil appetit huius mundi: non
honorem, non gloriam, non diuitias, non vanitatem, non delectationem,
non laudes, non voluptates. Nihil horum desiderat, nihil super aliquo illo-
rum lètatur, nec sentit illa, quemadmodum mortuus non sentit. Num
mortuus est ille mundo, num crucifixum habet mūdum, qui secularibus ru-
moribus oblectatur, qui obtestationibus libenter auscultat, qui delicata cap-
pit, qui molesta pro Christo suscipere refugit, qui Dei seruitium & laudes
fastidit, qui leuum hominum gaudet confortio, qui fabulationibus & ocio,
studet, qui voluntates suas implere festinat qui desiderijs proprijs contendit
satisfieri? Nequaquam hic mundo, sed potius heu Christo est mortuus. Illud
enim in eo est mortuum, quod illum non afficit, nō mouet. Si ergo Christus
non afficit cor eius, nō vituit in eo Christus. Verum quia hoc potius orando
quam studendo impetrabitis, orate: Domine Iesu Christe, qui es via, veri-

ta

tas & vita, infunde mihi perfectissimam ardentissimam perpetuamque charitatem, qua simul cordi meo infundas omnium quæ extrate sunt, atque mei ipsius contemptum, vt te solum desiderem, te solum cogitem, tibi soli inhæream, tibi soli placere studeam, & omne tempus vitæ meæ, omnesque vires animæ & corporis mei in laudem, in gloriam, in amorem & penepla citum tuum expandam quies benedictus in secula, Amen.

IN EADEM SOLENNITATE.

*De sex nouis in Christi resurrectione gaudio nos sufficientibus.
Sermo IV.*

Dies boni nuncij est, si tacuerimus, sceleris arguemur, 4. Regū 7. Usque modo charissimi in tristitia & luctu fuimus nō soli autem nos ipsi, verū omnis etiam Ecclesia fidelium nobiscum, quæ pœnitentia lamentis occupata, lætitia tum cantica, tum signa alia intermisit. Idque eo præsertim tempore, ante pascha hoc præsens forsitan, vt huius diei celebritas tanto foret festiū, dulcior incundiorque, quo omnes illæ priores tristitiae & pœnitentiae luctus subito in gaudium mutarentur. Porro (quia aqua animæ stimenti, bo- Prou. 15. nus nuncia de terra longinqua) ne diu fraudari se quispiam nuncio huius gaudiis non iratis queratur (quandoquidem Christus quoque cito eadem cu- piens euulgari mulieribus, qua noua diu tacere nequeunt, nuncianda com- misit) sex noua vobis prædicanda habeo, consolatione & exultatione haud- dubium usqueaque plena. Primum est, nobilis ille Christi triumphus, seu Sex noua in Christi re- nobile trophyum, quo mortem ipse moriendo superauit, & vita nos mor- surrectione- tuos restituit. Nos enim cum essemus inimici, per mortem suam soluens ini- Rom. 5. micitas Patri nos reconciliauit. Cūm essemus mortui resurgens in semetipso Ephe. 2. nos conuiuificauit, & aduersarium nostrum fortem alligans, spoliaque eius Luc. II. diripiens, atque (vt verbis utar Apostoli) expolians principatus ac potesta- tes, traduxit confidenter, palam triumphans illos in seipso. Vicit itaque leo de tribu Iuda. Pugnat agnus, expugnat vero & vincit leo, dignus plane accipere Collof. 3. virtutem & diuinitatem, & sapientiam, & fortitudinem, & honorem, & gloriam Apoc. 3. & benedictionem. De hoc trophyo hodie canit Ecclesia: Mors & vita duello con- fixere mirando, dux vite mortuus regnat vivus. Considerandum verò in eodem Quibus mo- trophyo quomodo vicerit Christus. Vicit profecto non percutiendo, sed pa- Christus. tiendo: quādoquidē vt in libro Proverbiorum dicitur: Melior est patiens viro forti. Vicit sapientia, non violenta potentia. Nam teste Iob: Prudentia eius per- Prou. 16. cusit superbū. Vicit denique nō litigando aut obtinendo, sed tacendo quip- lob 16. pe qui quasi agnus coram tondente se obmutuit, & non aperuit os suum. Nouit ipse superbiam nostram, quam simus appetentes victoria quam cupidi glo- Hierc. 17. ria, quam non libenter superemur. En vincendi exemplum nobis præstulit ad sui imitationem nos inuitans. Docuit nos (si contradictionis contentio- nisve quippiam inter nos oriatur) quomodo pugnare debeamus. Par pari nō referamus. Nō dicamus: Ille mihi ollam, ego frangam ei hydriā cōtraria ijs quibus nos aduersarij molestant, nō similia expendamus. Ignē insit quidam sapiens non gladio fodiendum. Aqua est contra ignem pugnandum, & silentio- cōtra garrulitatem. Prudentia stultitiam, patientia iracundiam, charitatis of-

cio